

Candia, con altre parole a questo proposito. El soldan li rispose, che non era vero. Li fo dito: Signor, si non è vero quello che te dicemo, siamo qui, fatine tajar per mezo; et stando su questo el soldan disse, che vo' io far de vostre galie? che convention havete con mi? Io non son marchadante. Vui dite che per via di Portogalo siate forniti di piper; che bisogno havete di fati nostri? Non voglio con vuj comerechiar, nè anche voio li faziare con li miei mori; e con questi parlari im parabola intrò in le cosse di Sophi, digando, ti consolo di Alexandria, non sei in colpa, nianche la Signoria de Venexia, ma questo consolo di Damaseo non à manchà per lui dar adito e modo di turbar el mio regno, scaldandose alquanto in quella cossa; et con le justification sue, al mejo si potè, li licenziò senza far alcuna conclusion, restando el consolo di Damaseo in cadene con li marchadanti, et quello di Alexandria al solito. E consigliatosi fra l'horò, li nostri merchadanti, che son in Candia sopra le galie, viste queste letere, haveano opinion di andar con le galie a Bichieri, giudicando che quando fosseno li el soldan saria certo di esser zonte le galie, et che le cosse se adateriano; in modo che, chiamato el consejo di XII, preseno di andarsene a Bichieri, che per certo mi à parso molto di novo, che cussi subitamente si fazi tal deliberation di tanta importantia, come è questa. Ma Idio à voluto che, acortosi di lo eror suo, se hanno mudado de opinion, *ita* che non se hanno voluto levar se prima non hanno letere di Alexandria dil ritorno di uno altro bregantin, spazado da poi, e questo è il dreto. *Tamen* tuti nostri navilij e nave, che prima erano retenui, horra son licentiati al so piacer. Altra particularità non ho auto per letere dil rezimento di Candia; si atende de di in di dil zonzer li, in Candia, dil secondo bregantin, andò in Alexandria: Dio fazi sia bona resolution! Hora mai tegno, fin sto zorno sia zonto el Colli con letere de li, spazato aposta, per la venuta dil qual de li sarà provisto di ambador, desiderado molto dal soldan, senza el qual, me dubito, non si farà cosa alcuna; e cussi *etiam* si ha dal Cayro.

194*

A dì 19 avosto 1511.

Questi si feno scriver per esser balotadi ad andar a Padoa, justa la parte, e poi intrar 40, et cussi per sorte fonno ballotadi.

Padoa. †. Sier Urbam Bollani, da l'asedio di Padoa fo podestà a Este, di sier Alexandro. 458....

Sier Alvixe da Molin, fo provedador sopra la Piave, *qu.* sier Carlo 281....

Sier Francesco Barbaro, fo a l'asedio di Padoa, di sier Lorenzo 293....

Sier Zuam Francesco Cocho, fo a l'oro, *qu.* sier Antonio, *qu.* sier Nicolò . . . 160....

Sier Zuam da Mosto, fo a l'asedio di Padoa, di sier Francesco 320....

Sier Gasparo Zancharuol, fo a l'asedio di Padoa, *qu.* sier Marco 289....

Sier Zorzi Avonal, el grandò, *qu.* sier Nicolò . . . 193....

Sier Nicolò da Canal, *qu.* sier Filippo, *qu.* sier Piero . . . 220....

Sier Fantim Viaro, fo podestà a Cità Nuova, *qu.* sier Zorzi 404.413

Sier Alvixe Griti, fo a la taula di l'intrada, *qu.* sier Francesco 335....

Sier Francesco da Molin, fo castelan a castel Lion, *qu.* sier Thimoteo 326....

Sier Piero Zane, fo castelan di la citadela di Zara, *qu.* sier Andrea 298....

Sier Vicenzo Baxadona, fo podestà a Valle, *qu.* sier Zuam Francesco 218....

Sier Vicenzo Nadal, fo a la citadela di Zara, *qu.* sier Piero 186....

Sier Priamo Malipiero, el grandò, di sier Dionise, *qu.* sier Priamo 334....

Sier Andrea Barbaro, fo a l'asedio di Padoa, di sier Alvise, *qu.* sier Zacharia, cavalier, procurator . . . 338....

Sier Hironimo Baffo, fo podestà a Campo San Piero, *qu.* sier Beneto 253....

Sier Hironimo Sagredo, *qu.* sier Marcho 284....

Sier Nicolò Magno, *qu.* sier Mathio 224.